

容齋隨筆

第一冊



【宋】 洪迈 著

容斋随笔

北京古籍出版社



重刻容齋隨筆五集



宋南渡後名臣屈指洪氏忠宣
著冰天之節與蘇屬國爭光其
子文惠文安文敏先後立朝名
滿天下文敏尤以博洽受知孝
宗史稱其考閱典故漁獵經史

極鬼神事物之變所纂述有夷
堅志萬首唐詩容齋五筆等書
學士家膾炙之然唐絕時雜宋
人之作前輩病其龐雜夷堅一
書吾鄉胡元瑞嘗言容齋晚歲
急於成書其門下客多取太平

廣記中舊事改易姓名以欺之
亦不復辨由此觀之則二書踈
鑿蓋亦多矣惟五筆係生平睹
記捃綴奚囊久而成集徃徃傳
信後代博雅之士亟稱是書有
以哉昔趙和仲嘗言知古莫如

洪景盧知今莫如陳君舉讀五
筆所記寧獨知古已耶是書向
無佳刻得者復不能全馬巽甫
博學好古彙而梓之兼精心慧
識長於較讎魯魚亥豕考核再
四人亦有言訛如落葉掃而愈

有巽甫茲刻吾知免夫其有功
載籍豈淺鮮耶余喜而爲之序
古勾章謝三賓撰



序

容齋隨筆五集舊序

書必符乎名教君子有所

之言也夫天下之事萬有不齊而可以憑藉者
理之正事不一而理有定在猶百川萬折必歸
於海否則涉於荒唐繆悠絕類離索以盲瞶人
之耳目者在所不取古今馳聲於墨札之場者
噓英吐華爭相著作浩渺連鱸策氏藉名不可
紀極嗜博者亦必珎如拱璧而把玩之不輟焉
文敏公洪景廬博洽通儒爲宋學士出鎮浙東

歸自越府謝絕外事聚天下之書而徧閱之搜
悉異聞考覈經史捃拾典故值言之最者必札
之遇事之奇者必摘之雖詩詞文翰曆識卜醫
鈎纂不遺從而評之參訂品藻論議雌黃或加
以辯證或繫以讚繇天下事爲寓以正理殆將
畢載積廿餘年率皆成書名曰隨筆謙言順筆
錄之云爾加以續筆三筆四筆絕於五筆莫非
隨之之意總若干萬言比所作夷堅志支志盤
洲集踴有正趣可勸可戒可喜可愕可以廣見

聞可以證訛謬可以祛疑貳其於世教未嘗無
所裨補予得而覽之大豁襟抱洞歸正理如躋
明堂而胸中樓閣四通八達也惜乎傳之未廣
不得人挾而家置因命紋梓播之方輿以加博
雅之君子而凡志於格物致知者資之亦可以
窮天下之理云弘治戊午冬十月旣望巡按河
南監察御史沁水李瀚書

容齋隨筆五集舊序

容齋隨筆五集總序

知贛州寺簿洪公伋以書來曰從祖文敏公由
右史出守是邦今四十餘年矣伋何幸遠繼其
後官閒無事取文敏隨筆紀錄自一至四各十
六卷五則絕筆之書僅有十卷悉鋟木于郡齋
用以示邦人焉想像抵掌風流宛然如在公其
爲我識之僕頃備數憲幕留贛二年至之日文
敏去才旬月不及識也而經行之地筆墨飛動
人誦其書家有其像平易近民之政悉能言之

有訴不平者如訴之於其父而謁其所欲者如謁之於其母後十五年文敏爲翰苑出鎮浙東僕適後至濫吹朝列相隔又旬月竟不及識而與其子太社樺其孫參軍偃相從甚久得其文愈多而所謂隨筆者僅見一二今所有大半出於浙東歸休之後宜其不盡見也可以稽典故可以廣聞見可以證訛謬可以膏筆端實爲儒生進學之地何止慰賴人去後之思僕又嘗于陳日華曄盡得夷堅十志與支志三志及四志之

二共三百二十卷就摘其間詩詞雜著藥餌符呪之屬以類相從編刻于湖陰之計臺疏爲十卷覽者便之僕因此搜索志中欲取其不涉神怪近於人事資鑒戒而佐辯博非夷堅所宜收者別爲一書亦可得十卷俟其成也規以附刻于章貢可乎寺簿方以課最就持憲節威行谿洞折其萌芽民實陰受其賜願少留於此他日有餘力則經紀文敏之家子孫未振家集大全恐馴致散失再爲收拾實難今盤洲小隱二集

士夫珍藏墨本已久獨野處未焉寺簿推廣隨
筆之用心願有以亟圖之可也嘉定壬申仲冬
初吉寶謨閣直學士太中大夫提舉隆興府王
隆萬壽宮臨川何異謹序

重刻容齋隨筆紀事

元調少時就童子試於松江郡將堂邑許公通
經學古人也一語意合或旬日再三召恒坐列
肆中以待門啓而入有鬻容齋隨筆者取閱一
二則喜其聞所未聞千錢易之然猶未悉容齋
之爲何等人隨筆之爲何等書也歸以告本師
子柔先生先生曰此宋文敏洪武所著書其
考据精確議論高簡讀書作文之法盡是矣又
曰吾向從丘子成先生見此書而不全汝亟取